



KO TE

KAHITI O NIU TIRENI.

HE MEA TA I RUNGA I TE MANA O TE KAWANATANGA.

PONEKE, TAITE, JUNE 8, 1911.

Whakaatu i te Tangohanga me te Whakatakotoranga i tetahi Rori ma runga i nga Poraka o Rangitoto-Tuhua Nama 68m me 68g, Takiwa Ruri o Mapara, Takiwa Whenua o Taranaki.

(L.S.) ISLINGTON, Kawana.

HE PANUITANGA.

I RUNGA i te whakahaerenga me te whakatutukitanga o nga mana kua whakawhiwhia e tekiona toru rau e waru tekau ma whitu o te Ture Whenua Maori, 1909, ko ahau, ko John Poynder Dickson-Poynder, Baron Islington, te Kawana o te Tominiona o Niu Tirenī, tenei ka whakata-koto a ka wehe hei rori i nga whenua e whakaaturia nei i roto i te Kupu Apiti ki tenei.

KUPU APITI.

Nga Eka o te Piihi Whenua e tangohia ana hei Rori.	Ko tetahi Wahi o	Poraka.	Takiwa Ruri.	Te Nama o te Mapi.	Te Kara i runga i te Mapi.
E. R. P. 0 2 30-6	Rangitoto - Tuhua Nama 68m	V	Mapara	L. 1911/ 506A	Whero.
14 3 33	Rangitoto - Tuhua Nama 68g (Mangapehi)	IV, V	Mapara	L. 1911/ 506B	Whero.

Kahiti - A.

Kei roto i te Takiwa Whenua o Taranaki; e ata whakaaturia nei i runga i te mapi kua maakatia a kua pania ki te kara, e huaina nei i runga ake nei, kua whakatakotoria ki te Tino Tari mo nga Whenua, Poneke.

He mea tuku i raro i te ringa o His Excellency te Right Honourable John Poynder Dickson-Poynder, Baron Islington, Kawana, Tino Rangatira o te Tominiona o Niu Tirenī me nga Motu kei raro i tona mana; he mea whakaputa i raro i te Hiiri o taua Tominiona, i Poneke, i tenei te toru tekau ma tahi o nga ra o Mei, te tau o to tatou Ariki kotahi mano e iwa rau kotahi tekau ma tahi.

D. BUDDO,
Mo te Minita mo nga Whenua.

E TE ATUA TOHUNGIA TE KINGI!

Whakawhiwhi Mana Whakawa ki te Kooti Whenua Maori.

ISLINGTON, Kawana.
OTA KAUNIHERA.

I te Whare o te Kawanatanga, i Poneke, i tenei te rua tekau ma iwa o nga ra o Mei, 1911.

KO TE HONORE JAMES CARROLL HEI TUMUAKI MO TE KAUNIHERA.

NOTEMEA kua meinga hei ture e tekiona rua tekau ma rima o te Ture Whenua Maori, 1909, ka ahei te Kawana i runga i te Ota Kaunihera ki te whakawhiwhi atu ki te Kooti Whenua Maori, ano tonu me te mea nei ra taua Ture i whakawhiwhi atu, i tetahi mana whakawa mo ia take me ia tautohe ranei e pa ana ki nga whai taketanga